

# GEMEENTEBULLETTIN

2 JULIE 2021



## EREDIENSTE

### Sondag 4 Julie 2021

Tydens vlak 4 van inperking word eredienste slegs aanlyn aangebied. Besoek [www.stellenberg.co.za](http://www.stellenberg.co.za) of die gemeente se YouTube-kanaal om na dienste te kyk.

**Oggenddiens 08:30 in die kerk** | Ds. René Potgieter

**Meditatiewe diens 09:00 in die kapel** | Ds. Philipp Dietmann

**Familiediens 09:30 in die kerk** | Ds. Marius Breytenbach

Die Relevantdiens sal weer na die skoolvakansie hervat.

## KATEGESE TYDENS VLAK 4 VAN INPERKING

Met die oog op die vervroegde skoolvakansie word kategeesebyeenkomste gestaak tot verdere kennisgewing.

## AANSTELLING VAN 'N NUWE LERAAR

Die pre-advieskommissie het die onderhoude met die oog op die aanstelling van 'n nuwe leraar afgehandel. 'n Aanbeveling is deur die pre-advieskommissie geformuleer en sal op die beroepingsvergadering op 7 en 8 Julie aan die kerkraad voorgelê word. Baie goeie aansoeke is ontvang en ons ervaar in besonder die Here se teenwoordigheid in die proses. Ons doen 'n beroep op lidmate vir voorbidding rakende die finale besluit wat geneem moet word.

### KONTAK ONS

021 976 4519

081 045 2428

[navrae@stellenberg.co.za](mailto:navrae@stellenberg.co.za)

[www.stellenberg.co.za](http://www.stellenberg.co.za)

### GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

### GEESTELIKE DAGSTUKKE

Geestelike dagstukke, voorberei deur gemeente-leraars, bestaande uit 'n stemboodskap en 'n geskrewe dagstuk, is daaglik op [www.stellenberg.co.za](http://www.stellenberg.co.za) beskikbaar of op die gemeente se Facebook- en Instagrambladsye.

## OMGEEPAKKIES VIR LEEU-GAMKA

Alhoewel ons uitreike gedurende die Junie-skoolvakansie weens die invloed van Covid-19 gekanselleer is, wil ons steeds vir dié gemeenskappe wys dat die lidmate van Stellenberg-gemeente vir hulle omgee.

Een van ons projekte in Leeu-Gamka is om omgeepakies by die plaaslike polisiestatie te besorg, om dan aan vroue en meisies wat slagoffers van fisiese of seksuele geweld is, oorhandig te word. Konstabel Louise van der Bank is ons kontakpersoon by die polisiestatie.

Met die oog op die verpakking van die omgeepakies word die volgende items benodig: koekies, proteïenstafies, seep, waslappe, tandeborsels, tandepasta, sanitêre doekies en deodorant.

Daar is ook 'n groot behoefte aan kos vir troeteldiere in dié dorpe en skenkings van honde- of katkos sal ook waardeer word. Bydraes moet asseblief voor Dinsdag 6 Julie by die kerkkantoor afgegee word.

## GEMEENTE SE VERJAARSDAGVIERINGE

Die heersende onsekerheid rakende die lengte en impak van die derde vlaag van die Covid-19-virus het die leraarspan genoop om die gemeente se vyftigste verjaarsdagvieringe uit te stel. Ons sal die stand van die pandemie voortdurend evalueer en die feesvieringe aanbied sodra alle lidmate veilig en met gemoedsrus daarby kan inskakel.

## GEMEENTE BYEENKOMSTE

Tydens vlak 4 van inperking mag geen gemeentebyeenkomste voortgaan nie.

- Die **breigroep** se samekoms word tot verdere kennisgewing uitgestel.
- Die **Bybelskoolaanbiedings** is nou aanlyn beskikbaar op [www.stellenberg.co.za](http://www.stellenberg.co.za). Die handleidings kan ook van die webwerf afgelaai word, of by die kerkkantoor afgehaal word.

### STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na [sos@stellenberg.co.za](mailto:sos@stellenberg.co.za).

Na-ure skakel

083 519 0602.

### KYK NA DIE EREDIENS OP JOU SELFOON

WhatsApp, of stuur 'n Telegramboodskap na 081 045 2428 met jou naam + van + aanlyn eredienste. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

## **SOP BIED VERLIGTING TEEN DIE KOUE**

Tans word minstens 250 liter sop weekliks by sokombuise in Ravensmead, Wesbank en Khayelitsha aan kinders uitgedeel. Enige iemand wat by die voedingsprojek betrokke wil raak en bereid is om sop te kook en dit in bevrore formaat Maandae tot Vrydae tussen 08:00 en 15:00 by die saalkompleks of kerkkantoor af te gee, sal waardeer word. Lewer gerus jou bydraes soos dit jou pas. Hoe meer sop ons insamel – hoe meer kan ons uitdeel!

Kontak asseblief vir Anéne Nortier 083 581 6930 indien jy enige verdere navrae oor die projek het.

## **MET LEEDWESE**

Ons neem afskeid van Jacobus Hermanus Petrus (Kobus) Harmse (2/5/1943 - 27/06/2021). Kobus was sedert 2017 'n lidmaat van die gemeente. Sy privaat gedenkdien is op Vrydag 2 Julie om 14:00. Ons opregte meegevoel met sy vrou, Johanna, asook sy kinders wat hy agterlaat.

## **ROLSTOEL BENODIG**

Lidmate in die gemeente benodig dringend 'n rolstoel vir 'n gesinslid. Indien jy een beskikbaar het om te leen of te skenk, kontak asseblief vir Karin by die kerkkantoor (021 976 4519/[karin@stellenberg.co.za](mailto:karin@stellenberg.co.za)).

## **POPIA WETGEWING**

Ingevolge nuwe wetgewing (POPIA) rakende die beskerming van persoonlike inligting wil Stellenberg-gemeente graag jou toestemming t.o.v. die storing en verwerking van jou persoonlike inligting bevestig. Alle persoonlike inligting word versamel, verwerk en gestoor volgens die gemeente se beleid oor privaatheid, sekuriteit en storing van persoonlike inligting. Jy sal binnekort korrespondensie hieroor vanaf die kerkkantoor ontvang waarop jy asb so spoedig moontlik moet reageer. Vir enige navrae stuur 'n epos aan [odette@stellenberg.co.za](mailto:odette@stellenberg.co.za) of kontak die kerkkantoor by 0219764519

### **EDELWEISS BYBELSTUDIE**

Geen Bybel-  
studiebyeenkomste tot  
verdere kennisgewing  
nie.

### **VOLG ONS OP FACE- BOOK EN INSTAGRAM**

Volg gerus gemeente-  
nuus asook dagstukke  
via die gemeente se  
Facebook en Insta-  
gram. Soek ons onder:  
[Stellenberg\\_gemeente](#).

### **ADVERTENSIEBLAD**

Is jy opsoek na 'n  
diensverskaffer,  
werksgeleentheid, of  
wil self 'n diens of  
produkt adverteer?  
Besoek dan gerus die  
gemeente se aanlyn  
advertensieblad op  
[www.stellenberg.co.za](http://www.stellenberg.co.za).  
Plaas advertensies  
teen baie billike  
tariewe, deur 'n e-pos  
aan  
[sanel@stellenberg.co.za](mailto:sanel@stellenberg.co.za)  
te stuur.

## DAGSTUKKE EN BULLETIN OP SELFOON

- **Daaglikse stemboodskappe deur leraars op jou selfoon**  
Indien jy graag na die daaglikse stemopname deur leraars op jou selfoon wil luister, stuur asb. 'n WhatsApp of 'n Telegramboodskap met jou *naam+van+stemboodskap* na 081 045 2428. Geen gemorspos word na die groep gestuur nie, slegs die stemboodskappe.
- **Die bulletin asook die skakel na die aanlyn oggenddiens op jou selfoon.** Ontvang die **bulletin** asook die skakel na die aanlyn erediens **elke Vrydag** op jou selfoon. Sodoende kan jy na die preek op jou selfoon kyk. Stuur asb. 'n WhatsApp of 'n Telegramboodskap met jou *naam+van+bulletin* na 081 045 2428.

## ONDERSTEUNING AAN MEDEWERKERS

Geloofsofferkoeverte waarin bydraes ter ondersteuning van ons medewerkers geplaas kan word, is in die voorportaal beskikbaar. Indien jy verkies om jou bydrae aan die medewerkers elektronies te maak, EFT na: Absa, tjekrekening 145 058 0011, takkode 632005. Gebruik “medewerkers” as verwysing.

## FINANSIËLE BYDRAES

Leraars en die kerkraad is opreg dankbaar teenoor lidmate wat die gemeente se werksaamhede finansiëel ondersteun, te midde van die finansiële uitdagings wat die Covid-19-pandemie ook aan lidmate stel. Bydraes kan soos volg gemaak word:

### EFT-betaling

Dit kan oorbetaal word na ABSA-tjekrekening 145 058 0011, takkode 632005.

### Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep gegooi word.

### SnapScan



## GEMEENTE-SELFOON

Die gemeente het nou 'n selfoonnommer 081 045 2428. Navrae kan per WhatsApp of Telegramboodskap na dié nommer gestuur word.

## ELEKTRONIESE NUUS

Maak seker dat jy elektroniese nuus van die gemeente ontvang. Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maandelikse nuusblad, *Stellenberger*. Stuur jou e-posadres na [sanel@stellenberg.co.za](mailto:sanel@stellenberg.co.za) om op die verspreidingslys geplaas te word.